

Kedi Firindena Tesaloniki Kaane Ma Poli Alaa Falan Kedi Firinden Tesaloniki Kaane Ma

Kedin firinden kui naxan sebe Tesaloniki kaane ma, Xera Poli xetema feene ma a bata yi naxan fala a kedi singen kui: Maxodinna naxan lanxi Yesu fa feen ma. Na feen mon Tesaloniki denkeleya muxune yimaxama. Muxuna ndee a falama e ye a na laxon bata a li (2.2), nde tondima wale na waxati rajanna fe ra, a to yiso, e goronna yi lu se bonne xun ma (3.6-12). Nayi, Kitabun yireni ito sebexi nen alogo a xa xaxili jaxin ba muxune xunni naxan Tesaloniki denkeleya muxune toroma.

Xera Poli falan foloma Ala tantunna nan ma denkeleyaan nun xanuntenyana fe ra, Tesaloniki denkeleya muxune naxan yitaxi, a mon Ala maxandima alogo a xa e senbe so wanli e xilixi naxan ma (1.1-12). Na danguxina, a yi fa Kitabun yireni ito a fala xonna ma, naxan lanxi Alaa Muxu Sugandixin fa feen ma binyeni. Na mi ligama fo muxu makabexina nde mini kenenni, “Muxu jaxina,” naxan kelima Ala xili ma a murute Alaa Muxu Sugandixin xili ma (2.1-12). Naxuyaana waran senbena fe ra, a lan denkeleya muxune xa e senbe so e denkeleyani Yesu a fe Xibaru Fajini, e yi lu Ala maxande ye yo ye (2.13-3.5). Xera Poli xoloxin nan falan tima salantenne ma, a yi a yita e ra bonne walima kii naxan yi alogo e goronna nama lu muxe xun ma (3.6-15). A a falan napanma duban nun xontonna nan ma (3.16-18).

Kitabun yirena nde naxa, “Xa naxan mi waxi wali feni, hali na kanna fan nama donse don.” (3.10) Na falan tima Kitabu xaranne nan xa a e xa a liga e yeren ma a denkeleyaan mi findixi salayaan na, fɔ wanla xa ke nen Ala e tixi naxanye ra lɔxɔ yo lɔxɔ.

¹ Pɔli nun Silasi nun Timote nan ito seɓɛxi Tesaloniki denkeleya yamaan ma naxanye bata findi en Fafe Ala nun Marigi Yesu Alaa Muxu Sugandixin gbeen na. ² Fafe Ala nun Marigi Yesu Alaa Muxu Sugandixin xa hinanna nun bɔɲe xunbenla fi ε ma.

Kitina fe Marigin fa waxatini

³ Ngaxakedenne, a lan nen nxu xa barikan bira Ala xa ε fe ra waxatin birin. Na nan daxa amasɔtɔ ε birin ma denkeleyaan gboma ayi kati, e nun ε xanuntenyaan fan ε bode xa. ⁴ Nanara, nxu yetena ε matɔxɔma Alaa denkeleya yamane tagi ε tunnafanna nun ε denkeleyana fe ra hali ε to tɔrɔxi beɛɛnxɔnyani.

⁵ Na feene a yitama nen a Alaa kiti sa kiin tinxin naxan a ligama ε xa yatε muxu kamalixine ra naxanye soma Alaa Mangayani, ε ɲaxankatani naxan ma fe ra. ⁶ Ala to tinxin, naxanye ε ɲaxankatama, a ne saren fima ɲaxankatan na nen, ⁷ ε tan naxanye ɲaxankataxi, a yi matabun fi ε ma e nun nxu fan. Na ligama nen Marigi Yesu na makenen waxatin naxan yi, keli kore e nun a maleka seɲɛmane ⁸ tεε dεgε gbeeni. A yi Ala kolontarene saran e fe ɲaxine ra naxanye mi Marigin Yesu a fe Xibaru Fajin falan suxi. ⁹ Ne ɲaxankatama habadan halagin nan na, e ba Marigin yetagi e nun a binye

magaxuxina. ¹⁰ Na ligama nen a na fa lɔxɔn naxan yi e tagi, a yama sarijanxin birin yi a binya, e yi kabε a ma naxanye birin denkelɛyaxi. E fan taranma nen ne ye amasɔtɔ nxu seren naxan ba ε xa, ε la nen na ra.

¹¹ Na kui, nxu Ala maxandima ε xa waxatin birin, alogo, a bata ε xili feen naxan ma, ε xa kamali, ε yi lan na ma. Nxu mɔn a xandima alogo, ε bata fe fajin naxan birin jɛnige, e nun ε na wanla naxan ke ε denkelɛyani, Ala xa na birin nakamali a senben xɔn ma. ¹² Nxu na maxandin tima alogo en Marigi Yesu xinla xa binya ε xɔn, ε fan yi binyen sɔtɔ a tan yi, en ma Ala nun Marigi Yesu Alaa Muxu Sugandixina hinanna barakani.

2

Fe jaxi rabana fe

¹ Ngaxakedenne, en faan Marigi Yesu Alaa Muxu Sugandixin fa feen nan ma iki e nun en malan fena a fema. Nxu ε mafanma, ² xa ε nabiya falana ndee fe mε hanma xibaruna hanma keɗina naxan a falama Marigin fa lɔxɔn bata a li, ε xaxinla nama mafura yifuyε, ε bɔjɛn yi mini, hali e naxa a fataxi nxu tan nan na. ³ E nama tin muxu yo xa ε mayenden kii yo yi, amasɔtɔ na lɔxɔn mi a liye fɔ na murute dɔnxena a li singen, Xεmε Sariyataren yi makɛnɛn, halagin nagidixi naxan ma. ⁴ Muxune seen naxanye birin yatεxi “alane” ra, e yi e batu, a a yetε yitema nen, a yi keli ne xili ma. Na kui, a dɔxɔma nen Ala Batu Banxini, a yi a yetε findi ala ra.*

* **2:4:** A mato Daniyeli 11.36 nun Esekiyeli 28.2 kui.

⁵ N yi ε fema waxatin naxan yi, n yi naxan falama ε xa, ε mi ε yengi dɔxi ne xɔn ba? ⁶ Anu, iki ε a kolon ki faɲi, naxan na xεmεn makankanxi, alogo a nama mini han a waxatin yi a li. ⁷ Amasɔtɔ iki, sariyatareyaan bata wali fɔlɔ wundoni. A luma na kii nin han naxan a makankanxi, na yi ba na singen. ⁸ Na waxatini, Xεmε Sariyataren makεnεnma nεn, Marigi Yesu naxan halagima a dε foyen na, a yi a ɲan a fa feen nɔrɔn na. ⁹ Xεmε Sariyataren fama Setana sεnbεn barakan nin e nun wule kabanako feene nun wule taxamasenne nun wule fe magaxuxin sifan birin, ¹⁰ e nun tinxintareyaan sifan birin naxanye halagi muxune mayendenma, amasɔtɔ e mi tinxi ɲɔndin nasuxε, a yi rafaan e ma, e kisi. ¹¹ Nanara, Ala tantanna sεnbεn nafama nεn, naxan a ligε e la wulen na. ¹² Na birin ligama nεn alogo naxanye mi dεnkeleyaxi ɲɔndin ma, tinxintareyaan nafanxi naxanye ma, ne xa makiti.

Ɛ sugandixi ε kisi feen nan ma

¹³ Koni ngaxakedenne, Marigin xanuntenne, fɔ nxu xa barikan bira Ala xa ε fe ra waxatin birin, amasɔtɔ xabu a fɔlɔni Ala ε sugandixi ε kisi feen na nεn a Nii Sariɲanxin xɔn naxan ε rasariɲanma e nun dεnkeleyaan xɔn ɲɔndin ma. ¹⁴ A mɔn ε xilixi na nan ma Yesu a fe Xibaru Faɲin barakani, nxu naxan nalixi ε ma, alogo ε xa binyen sɔtɔ naxan kelima en Marigi Yesu Alaa Muxu Sugandixini. ¹⁵ Nayi, ngaxakedenne, nxu xaranna naxanye radanguxi ε ma, a na findi kawandi xuiin na hanma sεbenla, ε ne suxu, ε lu e yi ken!

¹⁶ En Marigi Yesu Alaa Muxu Sugandixin yetεen nun en Fafe Ala naxan en xanuxi, a habadan bɔɲε xunbenla nun yigi fajin fi en ma a hinanni, ¹⁷ na Ala xa ε ralimaniya ε bɔɲεni, a ε senbε so wali fajin nun fala fajini.

3

ε Ala maxandi nxu xa

¹ Dɔnxεn na, nxu ngaxakedenne, ε Ala maxandi nxu xa alogo Marigina falan xa xuya ayi, a yi binya alo a ε konni kii naxan yi, ² alogo nxu xa xunba muxu kobine nun muxu ɲaxine ma, bayo e birin mi denkeleyaxi.

³ Koni Marigin tinxin, a ε senbε soma nεn, a yi ε ratanga Fe ɲaxin Kanna ma. ⁴ Nxu laxi ε ra Marigini, fa fala nxu ε yamarixi naxan na, ε na ligama iki, ε mɔn luma nεn a ligε. ⁵ Marigin xa ε bɔɲεn ti Alaa xanuntenyaan nun a Muxu Sugandixina tunnafanna ra.

Wanla tɔnɔna

⁶ Ngaxakedenne, nxu ε yamarima Marigi Yesu xinli, Alaa Muxu Sugandixina, ε makuya ε ngaxakedenne birin na naxanye bata e yetε lu salayani, e mi sigan tima xaranne xɔn ε naxanye sɔtɔxi nxu yii. ⁷ ε yetεna a kolon a lan ε xa nxu raliga kii naxan yi. Amasɔtɔ nxu mi yi salayaan xan yi ε konni. ⁸ Nxu mi muxu yo a donse don nxu mi a saren fi, koni nxu tin nεn tɔrɔn nun xadanna ma, nxu wali kɔεen nun yanyin na, alogo nxu goronna nama lu ndenden xun ma. ⁹ Na mi na ra fa fala nxu mi nɔε na sɔtε ε yii, koni alogo ε xa misaala tongo nxu ma. ¹⁰ Amasɔtɔ, nxu yi ε fema waxatin naxan yi, nxu

ε yamari nen fa fala naxan yo mi tinne wale, na nama a dege.

¹¹ Anu, nxu bata a me a muxuna ndee ε ye, salantenne nan ne ra, e mi walima fo e to fe yibasanni. ¹² Nxu bata na muxune yamari, nxu yi e ralimaniya Marigi Yesu xinli, Alaa Muxu Sugandixina, a e xa e raxara, e wali alogo e xa e balon soto.

¹³ E tan, ngaxakedenne, ε nama tagan fe fajan nabε. ¹⁴ Xa muxuna nde mi tin falani itoe suxe nxu naxanye sebexi, ε na kanna rakorosi, fefe nama lu ε tan nun na kanna tagi, alogo a xa yagi. ¹⁵ Koni ε nama a yate ε yaxun na, koni ε a rakolon alo ε ngaxakedenna.

Xontan xuine

¹⁶ Ala xa Marigin bane xunbenla kanna xa bane xunbenla fi ε ma waxatin birin nun kiin birin yi. Marigin yi lu ε birin xon. ¹⁷ N tan Pali yeteen nan xontan xuini itoe sebexi. N ma taxamasenna nan ito ra n ma kedine birin yi, n yii funfun ni ito ra.

¹⁸ En Marigi Yesu Alaa Muxu Sugandixina hanna xa lu ε birin xon.

Kisin Kiraan Kitabuna

**The Holy Bible in the Yalunka language of Guinea.
La Sainte Bible en langue Yalunka avec le titre: «Kisin
Kiraan Kitabuna» Publié par Traducteurs Pionniers
de la Bible en collaboration avec la mission MCA à la
Préfecture de Faranah, République de Guinée 2012
Copyright du text: © 2012—Traducteurs Pionniers de
la Bible. Cette création est mise à disposition selon le
Contrat Paternité-Pas d'Utilisation Commerciale-Pas
de Modification 3.0 Unported disponible en ligne
<http://creativecommons.org/licenses/by-nc-nd/3.0/> ou
par courrier postal à Creative Commons, 171 Second
Street, Suite 300, San Francisco, California 94105, USA.**
copyright © 2012 Pioneer Bible Translators

Language: Yalunka

Translation by: Pioneer Bible Translators

..

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

47153269-13a8-5fdd-8537-530b29da9f78